



00057

七夕宿天堂寺

西風吹夢宿僧堂誰遣黃金布地裝萬葉寶燈秋

弄影九重珠塔夜浮光天連象闕星辰濕雲護龍

宮雨露涼門外三車何必問大千身色兩俱忘

遊丹青閣

橋南楊柳亂成行出郭尋僧到上方城拱烟霞開
錦繡山圍松竹奏笙簧半簾晚翠涵溪閣一枕秋
雲護石床安得遠公同淨業白蓮池上挹天香

春雨軒集

十四

寄武夷隱者余復嬰

習隱名山四十年羊裘鶴氅鹿皮冠雲中杵臼聞
雞犬月下笙簫引鳳鸞霞氣濕衣晨採藥虹光穿
樹夜燒丹姓名漸覺無人識種得胡麻祇自餐

青樓曲劉子雍胡伯清程伯羽同賦

四首錄

繡刺鴛鴦午夢長體嬌無力浴蘭湯生憎寶鏡鸞
成匹死恨銀箏雁作行舞罷柘枝低拜月歌殘桃
葉懶添香愁來自學秦宮女簾底吹笙引鳳凰

寒鎖妝臺粉怯勻步蓮金小不生塵徑迷花雨鶯
鶯月枕壓梨雲燕燕春衾剩半床閒翡翠釵分一
股擘麒麟玉梅好似郎顏色只見東風不見人

簡戴彥碩

故人結得草堂低老圃連城近市西碧注硯池荷
葉薰紅粘屐齒杏花泥書懸牛角朝耕地飯飼魚
苗晚灌畦只恐長安雲路近馬蹄催夢聽朝雞

寄徐指揮

春雨軒集

十五

報國功成鬢欲蒼承恩分節下南荒劍磨鯨海
遺腥血馬渡龍沙帶戰瘡頒宴曉沾仙掌露賜衣
春帶御爐香信陵門下今誰在萬里雲霄一羽翔
呈西平侯沐都督西征

西虜憑陵久不賓詔書五道出將軍龍光燭劍
銷邊殺虎烝揚旌壓陣雲周廟昔聞方叔頌漢廷
今見貳師勳春風三月鶯花禁歸騎笙歌奏凱聞

和都督馮公韵

鳳城宮闕倚蒼山，虎衛旌旗拂畫闌。
輦路霜清梅破腊，御溝波暖柳欺寒。
青雲每覩班超筆，華髮應慚貢禹冠。
未信壯懷渾寂寞，錦衣鞍馬瀟瀟長安。

早春呈吳待制

上林春早陌塵香，紫禁觚稜射日光。
新綠御河搖柳黛，小紅宮樹試桃粧。
山連曉氣蟠龍虎，臺枕東風憶鳳凰。
心折故園幽興獨，尋僧看竹過鄰牆。

寄許承明公冕昆年得夫先生

春雨軒集

十六

少年曾共請長纓，雲壓旄頭劍氣腥。
諸葛有心扶漢室，包胥無淚哭秦廷。
九鰲夜徙龍沙黑，八駿秋迷鳥道青。
一別關河俱白首，斷腸烟樹滿長汀。

寄買文彬巡檢

故人爲別動經春，野渡維舟送夕曛。
銀燭照牕秋聽雨，角弓懸壁晚看雲。
山城旗影中流見，草閣書聲隔岸聞。
江漢茫茫多舊識，猶能俎豆說將軍。

與子昇弟觀捕魚

柳條風脆已梳黃
潮落溪毛石露梁
帆脚壓霜寒
撒網舵牙移月夜
鳴榔載車有獵曾
占涓
諷柹無
歌豈濯湘
又得錦鱗長
尺半
鄰翁新酒正
吹香

簡陳彥友陳伯諧陳伯純陳良遂

飛鳥長弓紫氣高
驅馳王事寸心勞
烏桓月黑迷
犀甲雁塞雲黃
按虎韜
禁漏尚聞金瓊闥
御香
猶惹錦羅袍
劉郎老矣歸來晚
花落山中舊種桃

寄徐彥亨有懷操公琬先生 二首

春雨軒集

十七

故家文藻獨遺芳
喬木陰覆短牆
草壓山營迷
虎旅樓遺
宸翰祕龍章
芸翻蠹影書帷靜
竹映
鵝羣墨沼香
訪戴眞成風致在
夢懷風雨舊連床
天馬秋高壓楚墟
碧溪晴樹晚
縈紆書聲連屋聞
絃誦山色當牕列
畫圖治縣已聞
蝗避去解官曾
有犢留無百年
耆舊多零落
白髮相看愧故吾

悼亾呈敬義叔

寂寞凝塵落暗簾
綺牕秋鎖月纖纖
紅銷蓮粉雙

遺襪綠委菱香半掩奩絃
四鸞箏膠擬續針開鳳
繡唾還粘靴憐稚子黃昏候拜罷靈前短燭添

慶張子鳴新居

子鳴予妹婿也

華屋新成曙色開蒼煙喬木帶縈廻朱闌暖護宜
男草綠服香浮阿母杯梅瓣粉飄催鴈轉柳條青
裊送春來羨君盡得溪山勝不受雲臺愛酒臺

徐叔度黃子初王仲愚同宿徐彥輔齋次韵

草堂不厭客過臨清暑銷塵帶石林溪靜白鷗晴

春雨軒集

十六

泛影樹幽黃鳥晚留音綺牕分榻簾陰轉銀燭移
樽漏滴深向秀不堪鄰笛感墓亭秋思易傷心

拜文公朱紫陽祠堂呈江惟中朱士止蘇明

遠

壑壁垂光閭氣鍾儀形一代屬成功泗沂道重尊
天下濂洛源分出建中僻壤魚蟲沾化墨中原麟
鳳仰遺風滄洲寂寞斯文弊淚洒秋煙野殿空

過蕪城懷古寄程伯羽劉子雍胡伯清

珠簾十里瓊花月唯見荒城背夕曛潮落和溝迷
廢壘樹連瓜步帶殘雲雄文猶記陳琳檄故苑空
遺煬帝贗書劍昔曾趨幕府白頭應愧鮑參軍

淮安懷古

淮陰城北水連空漢將真成一夢中古廟卧苔蝸
觸角故壇迷草鹿生茸要君固有封齊貴赤族當
存定楚功漂母孤墳何處是欲將蘋藻薦西風

鄂城懷古

春雨軒集

十九

黃鶴磯頭鸚鵡洲星分軫翼據江流周瑜樓櫓風
雲冷庾亮旌旗草樹秋折戟戰餘潮蝕鍊量沙餉
絕夜呼籌賦詩橫槩今何在殘月啼烏故壘愁

長城懷古

西溼東洛建皇都四海梯航稱貢輸楚霸恃強窺
寶鼎越裳遵化錫駟車銅駝卧棘侵戎虜野鹿啣
花叛羯胡玉輦金輿俱寂寞離離木黍感丘墟

襄陽懷古

東連吳會攻南荆西引岷峩鳥道青波漲潭溪魯
躍馬臺荒郢樹憶呼鷹鹿門龐老遺殘徑峴首羊
公有故城零落斷碑風景異至今父老涕縱橫

梁園懷古

紫炁紅光甲馬營透迤汴水遶神京侯嬴曾執夷
門轡朱亥能移晉鄙兵公子宴春珠結履道君朝
斗玉吹笙鑿輿一去繁華改秋雨荒畿燐火生

秣陵懷古

春雨軒集

二十

鳳凰臺倚鎮淮東六代江山指顧中晉鄙黃旗魯
渡馬金陵王氣已飛龍橋通朱雀連丹闕巷繞烏
衣接紫宮王謝堂前饜燕子落花寒食又東風

錦城懷古

炎火中微建大旗王師頻出劍關西烏蠻地控南
雲險白帝城高北斗齊霸業三分扶漢室雄才十
倍勝曹丕神州未復英雄死八陣圖成國祚移

錢塘懷古

雲開天目界勾陳五衛旌旗控紫宸甲馬壓潮知
非運珠龍沉海尖南巡乘鸞王母迷青鳥飛虎將
軍卧石麟腸斷蘇堤堤上柳年年春色翠華新

燕城懷古

廣寒宮殿玉爲樓萬歲鰲峯壓九州番國胡僧青
鼠帽天魔宮女綵龍舟鈎陳蒼闕山南拱汰液紅
橋海北流唯有瀘溝溝上月年年鴻雁不勝秋

姑蘇懷古

春兩軒集

三

城枕姑蘇笠澤西垂虹橋接草烟迷闔閭老墓騰
金虎西子殘池失水犀抉目樹荒羣鹿走捧心臺
廢亂鴉啼館娃香逕歌遊處響屐廟空落燕泥

咸陽懷古

勢踞崤函百二雄阿房樓閣鎮當中坑儒劓谷灰
纔黑繫頸咸陽火已紅蛇斷血腥空大澤龍成寶
氣已新豐秦功漢業今何處落日沉西渭水東

除夕柬丁兼善

荆門樹色雪初乾，客舍年華鴈又殘。
衰朽每蒙明主念，旅棲多賴故人安。
篝痕凝翠香煤暖，曉影搖紅蠟炬寒。
自喜明年春信早，鶯花澤國趁歸鞍。

燈夕寄胡梅

鬢影東風春雪晴，從元夕客江陵。
輕寒簾幙家酒明，明月笙簫處處燈。
雲擁鰲山金絡索，玉連鳳闕翠觚稜。
瓊林歌舞花成陣，宴勸黃柑憶昔

春雨軒集

三

題王粲樓

漢燧淪輝鼎未分，英雄無地託芳鄰。
中原紫氣爭龍虎，大野玄陰闕鳳麟。
地控烏蠻通楚澤，城連白帝接荆門。
登臨不盡關河壯，醉倚闌干筆有神。

娥皇廟

南狩輶車六轡摧，娥皇遺廟儼江隈。
江隈繡嶂日月雙龍冕，翠嶽雲霞九鳳釵。
眉黯蒼梧迷徑穢，淚封斑竹鎖粧臺。
祗憐父老猶存敬，伏膺稱臣撥篆灰。

關廟

不憤炎靈國步迫忠肝義膽整乾坤紫髯猶帶風
雲色赤驥曾蒙戰伐塵一劍三分存社稷寸心萬
死託君臣氣凌華夏冒霜走遺廟空山薦楚蘋

鄱城歸舟同何彥憲共載劇談悲歌有感

霜落長河見遠洲天晴歸棹喜同舟青連碧樹山
回轉白湧寒砂水倒流弓影浮杯疑老病雞聲在
夢動離愁英雄過了前三十晚景桑榆媿白頭

春雨軒集

三

宮果

每蒙 明主念微臣宮果頻頒品味新 勅遣翠
罍分紫署 恩傳玉食下丹宸蜜脾其沁薔薇露
駱乳香浮茉莉春頭白文園多病在愧無詞賦氣
凌雲

賜衣

十日江城雪擁門 官衣頒賜念微臣天機織處
經綸密雲錦裁成黼黻新龍被光榮沾雨露暖回

衰朽感陽春祇慚蒲柳桑榆景犬馬丹心敢後塵
謝惠楫答劉子中

黃柑分寄遠承將擘處霏微曉霧香清潤曾經洲
岸雨圓酣猶帶洞庭霜薦餘詔許功臣賜宴罷恩
先近侍聳歸卧滄江今白髮擎來病目淚成行

過錢朝陽故居有感柬程伯羽汪宗彛

短檣依舊妙堂深蘭徑重尋思不禁芍藥紅殘花
漂雨甘棠綠嫩樹成陰帖臨青李池遺墨曲奏朱

春雨輞集

二

絲壁憶琴回首風流陳迹冷山陰鄰笛淚沾襟

弔杞上人

重來湖上弔山僧淚落東風憶葛藤江海有詩傳
慧可業林無法繼盧能草深方丈迷春屐塵暗袈
裟掩暮燈因憶沔陽錢太守芭蕉亭上賦詩曾

庚午中秋時善鄴留海南玉珊成閩中

井露涼生草閣幽濕雲斜逗月光浮清懷誰寄衰
宏詠黃落偏驚宋玉愁身侍鳳床曾捧白鬢凋鬢

鏡易驚秋遙憐稚子關河隔欲舞狂歌倦更休

秦淮元夕次宋學士韻

簾幙輕寒著柳條宮壺停漏夜迢迢虹橋列漢通
鰲影翠輦扶雲落鳳毛歌轉鶯春花作陣步搖蓮
暖玉生嬌綺羅留眼歸來晚斜月樓西轉樹腰

送王待制省親

九重承 旨省庭闈白舫青簾出御堤江樹嫩寒
萱草雪 驛程新霽杏花泥賜衣紫錦裁鸞尾歸橐
春雨軒集

二五

黃金鑄馬蹄綵侍日長多宴暇應尋禹穴舊游題
依氣

中午俠氣未全消通籍金閨躡紫霄龍尾趨班晨
漏轉驕頭簪筆晚香飄柳迷輦路迂璫佩花壓宮
墻度綵簫報 國自慚衰朽質經秋歸夢到漁樵

左掖早朝春雪呈王子充待制練伯尚左史

朦朧苑樹紫雲低漏轉宮壺曉色移凍合鳳池銀
燦爛光連鴛瓦玉參差黃封暖賜承 恩近綵筆

寒凝侍講遲絕愛上林春色早
獨花先發萬年枝
拜外舅陳公禹謨墓東陳原轉

貳錦東風憶昔年笙歌如沸酒如泉
麒麟錦帳銷銀燭孔雀雲屏列
玳筵井塌銅瓶渾卧雨香闌
瑤珮迷煙傷心孤塚楓林外
寒食殘花墮紙錢

初九日韻寄朱見中

野樹荒臺帶晚陰昔年歌舞憶登臨
桃花紈扇西風冷蔓草銅駝夕露深
舊夢青雲連館閣多情華

春雨軒集

三

髮老山林江南庾信傷秋倦疎雨
簷櫳怯暮砧憶從天上宴黃花
烏帽秋欹鬢影斜宣賜宮壺
香注蠟醉簪綵筆墨塗鴉雲連雉
尾開金闕日射鸞輿引翠華
退食從容休沐早短屏驚雨夢還家
拜大父墓張家山呈雲濤兄

瞻拜靈光思不堪飛雲冉冉護晴嵐
暮亭瓦落迷苔礎隧道泉空漱石潭
華表年深遺白鶴黃腸春暖蝕金蠶
深榭未立墳前碣白髮臨風涕淚含

端午呈敬義叔

涼雨晴時艾葉肥
家家將綠上門扉
土牆樹密黃梅熟
草閣簾深紫燕飛
病臂謾纏新綵索
御香猶帶舊羅衣
鄰翁有酒招相飲
醉不顛狂晚不歸

寄章復齋太守

草堂背郭瞰湖陰
石徑苔痕雨後深
犬識鄰僧諳飼飯
鶴迎仙客慣聽琴
相如去國徒空壁
廣受歸鄉有賜金
辦取酒船二百斛
醉歌贏得雪盈簪

春雨軒集

七

予弟劉勳字彥輔少習舉子業好兵家書便
弓馬不事產業壬辰兵起倡義樹旗及

大明有天下同浮梁于光以兵從征九江斬黃轉
克台明定蘭秀山鎮閩中守潮陽以疾終予
聞而悲之惜其平日以功業自許二十年躍
馬食肉于軍中所至有戰績竟不克以成名
命也夫

弱鬼人驚氣食牛義旗先倡萬人取劍磨狼血蠻

烟曉箭洗蛟涎瘴雨秋才大孔融徒愛國數竒李
廣不封侯行人傳計疑還信何處羈魂土一杯

次秋日韻奉汝弼叔

墨池秋淨水痕澄曲几焚香袖手憑霜煞柳條清
栗里雨荒瓜蔓覆東陵戰餘趙壁車還列說下齊
城軼獨凭因憶少年隨驃騎西風吹鼓醉呼鷹

三逕歸來菊未荒半凋楊柳弄初秋銀屏紈扇題

秋句金鴨羅衣換夕香老憶風雲趨北闕夢無花

春雨軒集

元

川待東墻狂游尚記秦樓別翠袖紅綿拭淚行

謝惠杏柬劉子中

涼雨晴時杏子新筠籠分貺感芳隣摘來黃熟連
香潤捧出紅圓訝色勻漢苑賜沾趨內省文園歸
卧老江濱年年煮酒仍題句白髮相看慰故人

經梅林李待制故居有感柬徐伯推縣丞

矯矯雲霄一鶚翔行人猶指鄭公鄉臆遺月桂天
香冷庭鎖秋槐暮雨荒賦對御筵題羽獵恩沾宮

秦霓裳擧頭見日長安遠故硯塵迷白玉堂

賦斯旭姪古銅香奩

有奩制古暗塵霾吟袖摩挲秀潤開翠蝕螭文迷
歲代金銷龍篆雜雲雷萃堂秋暖凝鷄舌燕寢霜
寒壓麝煤罷愛酒醒殘月候澹煙斜縷伴琴臺

弔故姪

一身去國苦流離壯志無成亦數奇
癯鬼有靈終殄賊與師賁恨未鞭八
波連落日羈魂泣塚斷秋春兩軒集

五

風馬鬣悲幾度白蘋洲渚暮老懷酸澁淚如絲

十二月四日壽雲濤兄

霜清緝宇列文星梅沁香雲護短屏
肝膽一生懸古劍乾坤雙鬢老浮萍
夢連漢苑春迷蝶心折韓臆夜醉螢
羸得東風一樽酒長歌爛熳宿寒廳

癸亥社日示子姪

楊柳青青燕子來鄰翁分社笑顏開
長瓢抄雪香炊飯老甕浮春暖潑醅
桑柘日斜人共醉楓林煙

靜鼓如雷衰年病耳何勞治賸欲辭杯懶放杯

花朝雲巢叔小飲

野人門巷土墻低兩壓春寒思欲迷
衣綠濕沾芳草徑屐紅香惹落花
泥筍燒玉版晴浮蟻餅切瓊酥
晚割鷄乳燕鳴鳩寒食近杖藜携酒過溪西

乙丑春拜先隴於潘超村

芳池流水亂穿沙
村峭東風鬢影斜
殘粉臙催梅褪瓣
嫩黃暗轉柳生芽
墓亭瓦落松飄子
隧道泥

春雨軒集

三

乾蘚蝕花碣石有題慚未勒幽光潛德思無涯

送春寄楊孟瑄

腸斷春光春可憐
登山臨水送將行
天連草色圍孤嶂
樹帶河流遶故城
幾點落紅驚蝶影
一庭新綠占鶯聲
殷勤更約明年蚤
酒對陽關慰別情

春雨夜坐有懷梁時用

苔綠沿牆上粉墻
烟凝睡鴨夕衣香
茶蘼夢冷銷銀燭
燕子春寒憶杏梁
病目經時花似霧
懷人聽

兩草連隄何時艇子東湖上携酒高歌對夕陽

聞馬萼馘首有感自賦

淒涼遺恨鶴鴒原家國仇讎不共天十載枕戈心
獨苦一身嘗膽夜無眠金鷲脊冷雲送樹碧血年
深草蝕烟積惡豈應魚漏網馘尸今向藁街懸

自述二首 錄其一

閒道平生志氣高宦遊千里不辭勞東阿遠想迎
三釜南海多詩解六韜貪看彩雲栖布被豈知花

春雨軒集

三一

落濕銀袍從今莫潤封侯事好向山中學種桃

立春五日雪中書房山旅館諸友兼簡余評

事

新春五日轉添寒客館難禁久未還凍合層冰生
瓮底光浮積雪滿隄間袁安高卧憑誰問杜老追
遊祇自閒寫就新詩寄知己隔鄰沽酒一怡顏
曉來積雪遍天涯寒氣侵人日漸加梅萼香消都
結實柳條翠淺半生芽床頭金盡還賒酒澗底泉

清任煮茶澀漾瑤階天咫尺詩成凍筆笑塗鴉

卷之二

五言古風

擬古

今人多結勢古人多結心結勢可超越利結心能斷
金金堅義益固利厚害彌深往者不咎昔來者當
鑒今

得漢彝簡周伯寧索香灰

春雨軒集

三三

古爨多欵識蟠螭漢篆存黃金銷土色翠羽蝕雷
文綺席流寒月銀屏度影雲蘭灰能裹寄長吟盡
夜分

春夕直左掖懷周侍郎

晚雨池上晴透迤淡將夕金莖華月生綺樹流雲
濕隄虛漏聲永幔捲爇煙襲憶我同袍人何由共
瑤席

簡孔博士

宿雨曉還歇開牕銷鬱沉烟光藹芳樹池上鳴幽
禽透迤瞻郡齋窈窕期盍簪孤懷屢百積羣疑思
一箴何時聯夜榻春漏委波深

楊廉夫曰
徹韋也

左掖門朝退呈吳待制諸公

謬忝金閨籍聯班趁晚朝
逶迤西上門窈窕長安
橋殘雪帶遠樹夕陽在山
駁不有同袍者疇能樹
寂寥

張禮部卧疾

春雨軒集

三

殘雪晚還霽牕虛斜日迴
故人矣卧疾空階生綠
苔兒童諳藥裹吏牘委塵埃
浮榮每爲幻長嘯望
層臺

別京邑之東阿

前年別鄉閭今年出京邑
悠悠去江漢杳杳事
行役所懼心志遼况此風波急
烏啼楓樹烟雁下
蘆洲夕回首望長安蒼茫寸心失

憶園廬

種園在東臯草荒瓜蔓長日落秋樹涼褰衣獨還
往時逢野老憇自足田園賞沿溪暝忘歸古寺煙
鐘響

示侄學績學甲戌三月題

陶爺五十四憐汝纔始生恩育夙夜謹眉目秋水
清行如生鹿跳語若流鶯鳴當時恣嬌頑言日期
長成爾祖豪傑姿聲聞州郡欽一顧等成敗片言
能重輕田園亘阡陌兵火成榛荆千頃地寸波百
春雨軒集

三四

出纔一堞官租因訟致薄業寧躬畊不辭平理苦
所懼徭役并嗟予蚤失怙慈親訓遺經遭時風塵
黑扶日雲霄青簪筆侍禁闈通籍居承明衰年遂
冉冉薄宦徒營營瀛官歸故園葺屋依先塋看花
眼如霧種竹髮已星貧無金在囊家有書滿籬念
汝未理壯立身恐伶仃痛逼骨肉懷感慈肝膽驚
男兒在忠孝業學崇勛名題詩與爾識謝我桑榆
情

賦清華堂詩

皇威戒安逸翰苑游神機天球列東序玉藻羅北
扉斐蜿紫氣潤璀璨虹光輝奎彩動黃閣文光照
彤墀鼓柅洙泗源遵舟伊洛湄梁追昭明轍漢法
東平輓瀛洲浮暖吹銀潢濱春漪芝蟠五色菜桃
發萬年枝墨沼鵝羣浴書林燕于飛花陰移鶴仗
竹色來鳳儀共沐恩波澗厥蒙 聖澤滋河清仰
文化同軌固磐基

春雨軒集

三五

聽雨堂爲安成周氏賦

中年迫宦游邈若胡與越悠悠煙樹遙杳關河
絕况茲風雨夕坐想鴻雁隔簾墀寧共理孤燈耿
還滅懷寶重經濟括囊貴明哲何時對床眠樹此
腸內熱

敬軒詩爲王達善賦

深巷何窈窕端居掩柴荆素心每無欲寡朴輕浮
榮慮盡默自守神清淡忘形危坐白日晚疎林微

雨晴開牕幽鳥啼蒲階芳草青焚香卷絲桐愛此
銷塵纓孤雲野鶴唳絕壑流泉高懷曠而婉雅
音誰復聽古人良已久寸心千首

郡齋讌集詩呈徐用中廣文諸先生

郡齋文墨暇履端集朋曹春意藹萱草鴈痕封
條牕暄書蠹散簾深鑪麝飄嘉園剪韭芳壺湛
清醪青茸浮橄欖紫腹吹葡萄舒此羈旅况豈夸
樽俎豪禮簡貴情厚心親自神交所念萍水逢回
春雨軒集

三

首江漢遙天府重賢苗山林來俊髦耆年多桑榆
席珍比瓊瑤何殊瀛洲步未讓淮南招俯仰憫夙
慕綢繆幸今朝題詩謝永好蕪詞慚草茅

義城十景其一曰烏石樵歌

烏石岡在義城東五里許劉公德新愛其地
有林泉之勝故卜宅築池以樵牧隱居焉

烏石岡頭路林巒勝景間洲連青野闌山俯碧溪
迴墨沼春生草書堂雨蔭苔樵歌時出谷野興屢

登臺自得圍廬樂生涯不用媒

花橋釣艇

昔青田知縣劉公英嘗游釣於斯橋廢後友

松公重建

花橋通駟馬錦里昔鳴珂紅雨挑飄浪青絲柳蘸
波石闌晴更倚釣艇晚還過魚暖金翻藻鷗涼白
宥荷先賢多勝賞落日一漁簑

魯壇古市

春雨軒集

三七

市在花橋東唐宋時甲第軒湊絃誦之聲連
戶敦尚禮義春秋設壇祭祀有鄒魯之風故
號魯壇餘蹟尚存

洙泗流波遠尊崇百代同衣冠循習氣俎豆想餘
風市廢殘槐綠壇虛野杏紅壞垣迷古鐸宿草卧
懸鐘文沼今更化絃歌幸歲豐

漢營餘壘

先世中書令潁川王尚書劉公汾曾駐兵於

義城之南故號漢營有餘壘存焉

先世逢昌運經邦建武威六韜開豹畧八陣出魚
麗山岳雄圖在風雲霸業移泉聲悲鼓角樹影見
旌旗自擬羊公石登臨不盡思

雞籠曉月

雞籠峯在汪師源東一水迢迢自山門出五
里許入河其山峭拔而圓每曉月流輝煙霧
杳藹狀若雞籠

春雨軒集

三

林巒多勝槩彷彿類雞籠古木千章遶流泉一脉
通曙光渾杳靄雲氣摠朦朧玉兔還留白金烏未
吐紅降神生俊彥何必羨高崧

馬鞍晴雲

山在金竹源東井形類馬鞍上有僧尼創庵
希仙慕真峯巒奇絕雲氣飄揚四時不改

二氣多融結奇形解六飛嵐光時吐吸日影半煮
微頃刻成蒼狗須臾變白衣去來如有意動靜總

忘機一旦爲霖雨豐穰振歲飢

清新酒旆

館在花橋之西杏村之口酒旆高懸商旅市
沾得有所濟

結構清新館晨昏絕市囂柴扉通杏塢竹迳接花
橋日暖醅香好風清旆影高漁翁頻岸幘行客屢
停輶喜隘羲軒世醕歌慰寂寥

綠野書樓

春兩軒集

三五

樓在義城祖任傍先世建樓數間以爲書塾
竹樹陰翳軒窓幽豁四時吾伊之聲自宵達

曙馬

先世儒爲業建樓多蓄書不殊裴相宅那讓鄭侯
居繞屋竹自長侵階草不除往來無俗子談笑有
才齋卽此供研穫何須蓄與金

樽州雁集

大溪之北桐江之南有洲寬平百餘里其上

柅柳成林秋風零落則有鴻雁翔集焉

棹洲秋色晚鴻雁日回翔已解逃習繳應能飽稻
梁肯同鷗伴侶偏與燕參商靈囿沾仁化周詩薦
樂章帛書曾繫足千載仰蘇郎

鐘潭龍蟠

鐘潭在碧灘之下百頃澄澈潭際奇峯筆立
一古寺存焉世傳下有洪鐘中有伏龍

巨鋪隱靈物潛伏碧潭深冷鑄知習昔流傳且至

春雨軒集

翠

今波濤時涵涵雲霧日陰陰自有爲霖志能無濟
世心何時九霄上鼓舞發清吟

經白將軍故第

粉牆將暖日依舊柳條新上馬臺邊路春風無一
人盡梁暗巢雀綺席委芳塵桃李東園夜餘香飲

翠頰

楊廉夫曰
可念可怨

雲濤兄歸窵于分鄉界

辛未年十二月
二十二日也

同氣義所感永誼情更傷老泪酌荒草孤酸割柔

賜懸旌風帶色掩隄日無光豈止山陽笛簫騷起
白楊

經汝弼叔故館有感而作呈汝尚叔及彥常
弟

山館澹將夕寒燈對爐熏墻陰古梅路池深芳草
春疎樞帶斜月連床非昔人履綦無在跡琴冊有
餘塵坐感歲時改心悲文采湮緘題不忍寫悽惻
泪沾巾

春兩軒集

哀三良同周伯寧賦

爲臣旣委質一死詎所辭况落三良賢捐軀視如
歸傷哉秦氏惑殉葬非聖儀維時百職事讜議無
良規死者百世義生者千載悲

楊廉夫曰
結語可懷

題丁氏晚香卷

百草秋已謝佳菊獨含姿涼颿動清發夕露敷寒
絳透迥掇三徑窈窕盈東籬誰憐幽貞操自託遲
暮期持觴俛其秀靜使君子宜

出塞

九重頒鳳詔，單于入井陘。
三邊徵候騎，五道出奇兵。
戰雲連陣黑，烽烟照漢青。
蛇文弓掛月，龍氣劍流星。
酬恩不顧命，金印斗來撒。

楊廉夫曰：又似初唐體格。

入塞

旄頭昨夜斂，徵兵入漢關。
將軍定勲業，壯士悲刀環。
旌裂雕雲盡，衣穿龍錦團。
積月老鄉淚，風沙銷箭瘢。
閨中謾歌舞，今日到長安。

春雨軒集

四二

獨處愁

金屋人稀到，閒螢去復回。
攬衣離鳳閣，緘思捲鸞臺。
惟有多情月，流光入妾懷。

東武吟

壯年投筆去，手捉三尺籌。
戎衣纔至，甯短劍光陸離。
國士每自許，獨賴相公知。
解衣衣我寒，推食充我飢。
心懷六馬報，未有涓埃施。
十年在幙府，徒將文墨持。
前崖一夜落，天地黯無輝。
功勛都若夢，部

曲各分遺春草門前綠空遺櫪馬嘶月痕弓上掛
雲影旆猶垂霸氣風雲散姓名誰復題落日將軍
樹淒涼過客悲長哀波浩蕩不盡淚如絲

幾桐生空井

井上雙梧桐秋風易搖落綠葉墮鳴璫清陰捲重
幄紋甃生旅葵銀瓶響空索疏枝覆烏臺交柯臨
鳳閣美人矜容儀照影傷今昨鉛華逐波逝歡賞
隨年薄行客攀輓轡哀聲隔簾箔

春雨軒集

七言古風

經撫河遇雪舟中曠午方起

沙溪風寒飛雪狂風大不敢聞篷牕蒙頭裹破睡
過午枕底浪急聲春撞岸上楓林茅屋小新午家
家無米糶土竈作炊烟蒲船灰壓濕薪蚯蚓叫山
僮不愔途旅羸靴綻衣薄雙眉攢艱難末路乃如
此富貴有夢真耶鄆却憶瓊林侍宮膳雪花不入
黃金殿酒上朱顏萬國春花簪烏帽千官宴錦賤

綠筆賜題詩仙仗類移出苑遲衣惹御香羅袖
窄馬蹄歸踏杏花泥

弔晉安將軍歌

荔枝城頭花簇簇王孫不歸春水綠黃金臺前烟
草荒傷心獨倚青雲哭淚酒鑿江江倒流楚魂暮
咽楓林秋蕉黃綠醜湘竹語峴山石斷行人愁信
陵門下簪纓會珠履筵前幾人在軍中擊鼓夜不
眠珠翠成行鳴劍佩王孫王孫真貴人落筆龍蛇
春雨軒集

四四

驚鬼神千金散士馬蹄盡鐵甲晝卧雙麒麟桑柘
陰陰連大路野市書聲晚當戶部曲悽涼白髮帶
其棠猶指將軍樹玉鳧金雁漆燈殘化鶴千年何
日還存酒誰澆趙州土碧血化雨苔斑斑王孫王
孫不可招仰天擊碎青桐瑤寸心何處寫哀素江

上年年生暮潮

楊廉夫曰可哀

承承堂爲洪善初題 善初三洪諸孫也

天狗 歲靖康血戰于野龍玄黃神鰲夜泣九

淵沸平華日薄寒無光主憂臣辱誓萬死直以隻
手支扶桑燕山六月雪花大節旄零落肌膚傷闕
河蕭條月色苦扶風揚沙吹雁行子卿歸來典屬
國茂陵樹老愁雲荒至今勛業昭簡冊大書特書
遺典章承承堂前春晝永牙笏金魚堆蒲床芝蘭
玉樹競娟秀陶令松菊凝秋芳盈釭釀酒介眉壽
槐陰覆堦萱艸長忠宜盛澤實其美宜爾子孫正

爾昌

雄辭勁氣真堪驚
風雨泣鬼神也

春雨軒集

四五

題磨崖碑後

錦囊粉黛銷塵土香冷春迷山下鬼梨園弟子散
如烟六么誰按霓裳譜梧桐蕭蕭秋雨愁君王歸
來多白頭宮牆瓦落芙蓉苑輦路塵蒙華萼樹牝
雞司晨古之訓九齡先識非阿佞漁陽鼙鼓蔽黃
埃臨洮戰血生青燐二十四郡何無人但恨不識
顏杲卿國忠旣誅林甫死勒王義旆趨咸京唐室
安危誠再造汾陽令公國沈老萬邦歸正泰階平

九廟無虞靈寢掃大筆特書昭日星龍吟剝落莓
苔育嗚呼涿水瀉遺恨父老至今雙泪零

楊廉夫曰直是

能寫○正大之言奇崛之筆

題方壺畫爲斯貞姪賦

巨然畫與書法同縱筆所至生秋風
墨飛原氣瀉沈澹青摩斗角連崆峒
遠岫平林斷還續苔根斜
迸山泉綠釣倚丹楓野老磯門垂碧柳
幽人屋壺公騎鯨白雲鄉壟樹綠
滋烟草黃風流文采今寂
春雨軒集

四六

莫對畫泪痕沾我裳

大梁行

大梁繁華全盛日宮闕浮天耀桃李魏國山河十
萬兵信陵賓客三千履上苑春晴花覆闌闐雞走
馬事金鞍銀燭填街美人過紫蓋凌雲公子還五
侯七貴行人避吐膽傾肝論意氣朱亥能移晉鄙
兵侯嬴自執夷門轡回首英雄非昔時輦路人稀
秋草迷舊遊歌舞今何處落日狐狸當樹啼

楊廉夫曰

效盛
善者

題蔡宗文趙氏譜牒後

苔連椒壁雲痕濕霓旌無色金仙位杏花依舊落
臘脂梁苑凝煙春草碧相逢彷彿說前朝譜牒香
遺古錦幪前代王孫今老矣天潢如髮際雲濤

瞻雲堂爲淮西李仲良賦

仲良予妻弟也

生逢兵革離鄉邑故家門巷兒時記壠上蒼苔覆
墓田城西喬木連寒石每憶年年寒食時輕烟冉

春雨軒集

四七

丹落花稀墳前平酒無人酌沙際殘碑有字題漢
漠長河孤鳥沒九泉路杳嗟何及銀雁秋沉落木
黃金蚕春暝寒泉碧漂泊緇塵幾日歸故衣線斷
感春輝終天一掬松楸淚心逐孤雲日夜飛

楊廉夫曰

孝思
之念

題呂花園草堂代宋景濂先生作

官馬烏韉春踏霜鐘聲催我趨玉堂黃金帶重覺
腰瘦錦袍淋漓宮酒香殿前草詔東風急紫硯光

凝墨花濕承 恩簪筆立多時
牽髮蕭疎倦無力
聞道城南舊草堂
景勝林幽別興長
碧連淮甸晴
波暖青割鍾山曉
樹涼種柳萬條金
覆井栽桃千
輪粉連墻薔薇壓架
綃囊綴芍藥
當軒錦幄張
箇箇麝香眠石徑
雙雙翡翠浴蒲塘
紅殘蝶翅翻風
靜綠暗鶯吭
轉日忙游絲飛
啼寒食
早車馬城南
爭拜掃夕陽影裏
賣花聲
游人半醉眠
芳草攬憶
黃公酒旆斜
竈遺陸羽茶
煙裊何時休
沐振鳴珂

春雨軒集

四

紗帽輕衫試越羅
信筆詩成還倦寫
憶爾當年郭
橐駝

楊廉夫曰
風致有度

寒食客秦淮憶舊

去年寒食長途客
桃花落盡梨花白
今年寒食客
秦淮杏花李花無
數開
東風凋殘白羽箭
落日獨倚黃金臺
緇塵蕭騷吹病目
破帽烏靴泥漉漉
藜杖東山弔謝安
悵望飛雲仰天哭
淒涼心事更誰憐
綠綺可以調絃
絃子期已矣
伯牙死
高山流水

空荒烟王孫不歸芳草暮解衣酤酒驅愁去誰言
一醉可銷愁酒入五腸肝膽露便擬揚帆柂木津
仍期掛劍扶桑樹志士長懷溝壑憂功名百歲等
浮漚雨晴浪暖河豚上載酒滄江弄釣舟

題夏博士晉王羲之右軍像

上東門外胡雛嘯萬里塵飛洛陽道潛龍東渡晉
中興羣馬南浮國重造石城龍嵒昔所都庶事草
草嗟良圖衣冠簡傲禮樂廢朝廷放曠君臣疎大
春雨軒集

見

令平生允超卓早年門第居臺閣內史新除典要
樞右軍任重參帷幄擅塲翰墨出神奇蔡衛鍾張
早得之畫長燕寢森兵衛日暖鵝羣藏墨池來禽
青李囊盛寄裹鮮黃庭醉後題春風三月山陰曲
羣彥流觴聒修竹一時簪冕屬高風百年文藻懷
芳躅流落斯文慨古今後代宸聰復購尋 字昭
陵傳玉枕數行定武抵千金忽見畫圖雙眼碧采
采丰神驚玉立羽扇蕭疎晚日晴烏紗彷彿秋麕

襲繁華如夢轉頭非典午山河幾落暉唯有鳳凰

臺上月春風依舊紫簫吹

楊廉夫曰晉人風致
○起語奇甚高甚

予昔與孟思魯叅戎事于三衢監司宋公幕
府及兵潰得間道還鄉遂歸休之志故歷叙

之

嗟嗟漢燧昔沉耀橫流板蕩迷中畿鬼母啼煙赤
電走天狗墮地金石飛志士勤王涕沾臆義旆懸
雲昭白日劍擊風雲向夜悲梅誓山河仰天泣君

春雨軒集

五

當少年功節殊短衣倒騎生馬駒鬢殘草檄墨慘
淡寶刀砍血腥糝糊奏凱對花歌窈窕量沙臥雪
宿穠稔運籌制勝管輕敵凭軾降城不顧軀幕泛
碧油陳雅樂漏殘銀燭合兵符孤軍轉戰經千里
蕭條榆塞塵沙起秦樹關河落日低漢營鼓角西
風裏癸女妖氛歷斷墻嚴灘殺氣連重壘羽書授
絕聞兵稀古道行人畏蒺藜霜啣白骨飢鳥下秋
入金瘡敗馬嘶虞姬帳下將軍死公子門前壯士

歸去國共憐王粲賦望鄉同擬杜陵詩壯志無成
還故里城西茅屋苔痕紫釣簾聽雨更焚香拄笏
看雲時隱几自信胸澄渤海清寧憐氣與嵩華倍
破浪誰擒北海鰲穿林學射南山雉笑傲行將下
澤車經綸懶取圯橋屐草荒三徑掩衡門舊事相
逢不忍論兩鬢緇塵銷歲月一雙臘屐信乾坤湘
上雨晴飛落木與子登臨散幽獨杖藜出郭路江
沙一笑尋僧看修竹

楞廉夫曰激烈
悲壯老馬長鳴

春雨軒集

五

潯陽行

沙頭女墻啼野鳥亂石如壘驚濤呼潯陽九派控
吳澤匡阜千峯迴楚壚當時形勝夸疆土連雲宮
苑旌旗樹更亮樓舡赴國仇黥王版籍歸英主盛
年一去水流東冠蓋繁華處處空兩岸蘆花浸明
月滿汀煙樹鳴秋風古戍何人晚吹笛客船莫向
城邊繫翠袖琵琶夢已寒青衫易洒天涯泪

楞廉夫曰

効高適
王維者



